



UNIVERSITETI I GJAKOVËS  
"FEHMI AGANI"  
UNIVERSITY OF GJAKOVA

Rr. Ismail Qemali, pn 50 000 GJAKOVË, Republika e Kosovës  
Tel: 038 200 20 831; www.uni-gjk.org

Nr. Prot.: 01/897  
Datë 08/07/2019

Senati i Universitetit të Gjakovës "Fehmi Agani" në bazë kompetencave të përcaktuara sipas nenit 99 të Statutit të Përkohshëm, në mbledhjen e mbajtur me 24.06.2019, miratoi propozimet e njëjësive akademike për shpalljen e

## KONKURSI

**për pranimin e studentëve në vitin e parë të studimeve themelore- baçelor në vitin akademik 2019/ 2020**

### I. KUSHTET E PËRGJITHSHME

1. Universiteti i Gjakovës, në vitin e parë të studimeve, në afatin e parë të konkursit për vitin akademik **2019/ 2020**, do të regjistrojë **400** studentë.
2. Në kuadër të numrit të përgjithshëm të përcaktuar si në paragrafin 1, bazuar në UA nr. 09/2016 të MASHT-it, universiteti do të regjistrojë deri në 12%, përkatësisht deri **48** studentë të rregullt nga komuniteti jo-shumicë. Kuota prej 12% e vendeve të rezervuara për regjistrim të studentëve nga komuniteti jo-shumicë do të shpërndahet në mënyrë proporcionale, sipas përqindjes së numrit të përgjithshëm të studentëve për secilin program të fakulteteve veç e veç.
3. Në Universitet, në bazë të kuotave të përcaktuara nga MASHT-i, në kuadër të numrit të përgjithshëm të studentëve, mund të regjistrohen deri në 2% përkatësisht deri në **8** kandidatë nga Presheva, Bujanoci dhe Medvegja; deri në 2% përkatësisht deri në **8** kandidatë nga Maqedonia dhe Shqipëria dhe deri në 1% përkatësisht deri në **4** kandidatë nga Mali i Zi. Kandidatët të cilët kanë lindur në vendet e sipërshënuara, ndërsa shkollimin e mesëm e kanë mbaruar në Republikën e Kosovës, do t'iu nënshtrohen kushteve të njëjta për pranim si kandidatët nga Kosova.
4. Përgjithësisht kushteve të veçanta të përcaktuara për kandidatët si në pikën 2 dhe 3, nëse të njëjtit arrijnë të kualifikohen brenda numrit të paraparë si në pikën 1, atëherë këta kandidatë nuk do të llogariten në kuadër të kuotës së rezervuar.
5. **Mbi bazë të konsideratave humane, Universiteti i Gjakovës rezervon të drejtën e pranimi të kandidatëve me nevoja të veçanta.**
6. Universiteti nuk do të mundësojë lehtësira për pranim nëse njëri prej kandidatëve binjakë nuk arrin të pranohet në programin e njëjtë apo të ndryshëm me binjakun tjetër.
7. Të drejtë pranimi në Universitetin e Gjakovës kanë të gjithë kandidatët kosovarë, të cilët e kanë përfunduar me sukses shkollën e mesme në Kosovë apo jashtë Kosovës dhe e kanë diplomën për shkollimin e kryer.

8. Në Universitet mund të pranohen edhe studentët nga shtetet e tjera, në kushte të njëjta konkurrimi me kandidatët nga Kosova.
9. Kandidatë jo-kosovarë konsiderohen kandidatët të cilët shkollimin e mesëm e kanë mbaruar jashtë Kosovës dhe me rastin e paraqitjes në konkurs, duhet të verifikohet njohja e institucionit shkollor në bazë të listës së MASHT-it e cila iu dorëzohet të gjitha njësive akademike.
10. Njohja e diplomave për institucionet jashtë Kosovës do të verifikohet nga zyra për zhvillim akademik e cila gjendet në Rektorat, kati I.
11. Universiteti do të sigurojë përgatitjen e testeve për provim pranues në gjuhën në të cilën kandidatët kanë përfunduar shkollimin paraprak ose/dhe për të cilën deklarohen paraprakisht në formularin për vetë deklaram, përveç në rastet specifike ku testi do të përgatitet në gjuhën në të cilën zhvillohet programi (p.sh. në programet e Fakultetit të Filologjisë).
12. Njësitë akademike përkatëse me rastin e aplikimit të kandidatëve nga komuniteti jo-shumicë bëjnë verifikimin e dokumentacionit pedagogjik duke përfshirë dëftesat dhe diplomat në gjuhën në të cilën kandidatët kanë përfunduar shkollimin e mesëm.
13. Deklarimi i rrejshëm në formularin për vetë deklaram, sipas nenit 391 të Kodit Penal (KODI NR. 04/L-082) të Republikës së Kosovës konsiderohet vepër penale.
14. **Kandidatët të cilët kanë të regjistruar një program studimi në cilindo nivel të studimit në kuadër të Universitetit të Gjakovës nuk kanë të drejtë konkurrimi në program tjetër studimi në UGJFA pa përfunduar studimet në programin ku kanë qenë duke studiuar ose pa u çregjistruar nga programi aktual i studimeve.**
15. **Kandidatët për pranim si studentë të UGJFA-së në vitin akademik 2019/ 2020 nuk mund të konkurrojnë më shumë se në një fakultet, drejtim apo program.**

## II. MËNYRA E PËRZGJEDHJES SË KANDIDATËVE

1. **Përzgjedhja e kandidatëve për të gjitha fakultetet do të bëhet sipas kriterëve si në vijim:**
  - a) **Për nxënësit që kanë diplomë për kryerjen e shkollës së mesme e nuk kanë pasur provim të maturës:**  
Numri maksimal i pikëve sipas kriterëve vijuese është 100 pikë, dhe atë:
    - Suksesi në shkollën e mesme deri në 30 pikë; dhe
    - Suksesi në provim pranues deri në 70 pikë.
  - b) **Për nxënësit që kanë diplomë për kryerjen e shkollës së mesme dhe e kanë dhënë me sukses provimin e maturës:**  
Numri maksimal i pikëve sipas kriterëve vijuese është 100 pikë, dhe atë:
    - Suksesi në shkollën e mesme deri në 30 pikë;
    - Suksesi në maturë deri në 30 pikë; dhe
    - Suksesi në provimin pranues deri në 40 pikë.
2. **Të drejtë radhitjeje, përkatësisht pranimi kanë vetëm kandidatët që arrijnë së paku 40% nga numri i pikëve të parapara për provim pranues.**
3. **Kandidatët të cilët nuk arrijnë së paku 40% nga numri i pikëve të parapara për provim pranues nuk mund të pranohen edhe nëse mbeten vende të paplotësuara sipas konkursit.**

4. Përjashtimisht kushteve të përgjithshme të përcaktuara në paragrafin 2 dhe 3 të pikës II, kandidatët të cilët konkurrojnë sipas kriterëve të përcaktuara si në paragrafin 2 dhe 3 të pikës I, të drejtë radhitjeje, përkatësisht pranimi kanë vetëm ata që arrijnë së paku 30% nga numri i pikëve të parapara për provim pranues.
5. Fakultetet e organizojnë mbajtjen e provimit pranues në lëndët mësimore të cilat i caktojnë vetë fakultetet.
6. Fakultetet janë të obliguara që listën e kandidatëve, të cilët kanë konkurruar, t'ia dërgojnë Rektoratit të Universitetit dhe ta publikojnë në ueb-faqen e Fakultetit.
7. Për funksionimin e drejtimit ose programit të fakultetit është i nevojshëm numri minimal prej 20 studentëve.
8. Nëse numri i pikëve të disa kandidatë të ranguar si të fundit në listën e të pranuarve është i barabartë me kandidatë tjerë jashtë numrit të planifikuar për pranim, zgjedhja e kandidatëve do të bëhet në bazë të suksesit të provimit pranues, e nëse edhe pikët e provimit pranues janë të njëjta atëherë do të merret parasysh sukcesi i shkollës mesme. Në qoftë se edhe sukcesi është i njëjtë atëherë përparësi do të kenë kandidatet e gjinisë femërore.
9. Regjistrimi i studentëve të pranuar në vitin e parë bëhet në Administratën Qendrore të Universitetit, sipas orarit të përcaktuar me këtë konkurs.

### III. AFATET E KONKURSIT

**Për regjistrimin e studentëve në vitin e parë të studimeve, oraret do të jenë si në vijim:**

1. Paraqitja e dokumenteve zgjatë prej datës **09.07.2019** deri më **17.07.2019** në ora 16.00 (dokumentet do të pranohen çdo ditë me përjashtim të dielave).
2. Ditën e parë të konkursit, me datë **09.07.2019**, aplikimi online do të funksionalizohet nga ora **10.00**, ndërsa pranimi i dokumentacionit në njësitë akademike do të fillojë nga ora **13.00**.
3. **Kandidatëve u rekomandohet që para paraqitjes në konkurs të bëjnë kopje të mjaftueshme të dokumenteve, sepse dokumentet origjinale nuk do të mund t'i tërheqin deri në diplomim apo çregjistrim nga fakulteti.**
4. **Me rastin e paraqitjes, kandidatët duhet t'i sjellin këto dokumente:**
  - a) *Certifikatën e lindjes (origjinal) jo më të vjetër se 6 muaj,*
  - b) *Dëftesat e të gjitha klasave të shkollës së mesme (origjinal ose të noterizuara),*
  - c) *Diplomën e kryerjes së shkollës së mesme ose dëftesën e maturës, nëse ka pasur provim të maturës (origjinal ose të noterizuar),*
  - d) *Kopjen e letërnjoftimit,*
  - e) *Fletëparaqitja e plotësuar shkarkohet gjatë aplikimit online nga interneti: **Vegza (Linku) për konkurrim online përmes internetit është: <http://apliko.uni-gjk.org>***
  - f) *Pagesën prej 2.5 Euro. Forma e pagesës shkarkohet dhe shtypet nga ueb-faqja e Universitetit të Gjakovës, ndërsa pagesa bëhet në bankë,*
  - g) *Vendimin mbi njohjen e shkollimit jashtë vendit.*
5. Njoftimet dhe oraret për vendin ku do të mbahen provimet pranuese mund të merren në fakultetet përkatëse, si dhe në ueb-faqet e këtyre fakulteteve. Datat e mbajtjes së provimeve pranuese në fakultetet e ndryshme janë të shpallura në vijim:

**Provimi pranues do të mbahet më 19.07.2019, në objektin e Fakultetit të Edukimit dhe Filologjisë, sipas orarit si në vijim:**

- Fakulteti i Filologjisë në ora 9:00
  - Fakulteti i Edukimit në ora 9:00
  - Fakulteti i Mjekësisë në ora 9:00
6. **Të gjithë kandidatët në provim pranues duhet ta posedojnë letërnjoftimin, pa të cilin nuk mund t'i nënshtrohen provimit pranues. Në kohën e mbajtjes së provimit pranues ndalohet përdorimi i telefonave celularë!**

**IV. SHPALLJA E REZULTATEVE PRELEMINARE DHE PËRFUNDIMTARE**

1. Shpallja e rezultateve preliminare të provimit pranues do të bëhet, më **22.7.2019** në fakultetet përkatëse si dhe në ueb-faqen e Universitetit.
2. Shpallja e rezultateve përfundimtare të provimit pranues do të bëhet më **25.07.2019** në fakultetet përkatëse si dhe në ueb-faqen e Universitetit.
3. **Në drejtimet ose programet ku nuk plotësohet numri i kandidatëve të paraparë me këtë konkurs, do të shpallet konkurs plotësues.**
4. Për informata më të hollësishme, kandidatët mund t'u drejtohen fakulteteve përkatëse ose ta vizitojnë faqen e internetit: **www.uni-gjik.org**

**V. E DREJTA E ANKESËS DHE AFATI PËR ANKESË**

1. Kandidatët të cilët nuk janë pranuar mund t'i paraqesin ankesë fakultetit përkatës **më së largu 48 orë pas publikimit të rezultateve preleminare** (llogariten ditët e punës), përkatësisht deri me datë **24.07.2019** në ora **16.00**. Pas këtij afati, ankesat nuk do të pranohen. Shqyrtimi i ankesave bëhet vetëm nga Komisioni për shqyrtimin e ankesave nga fakulteti përkatës.
2. Kandidatët të cilët nuk janë pranuar, mund t'i tërheqin dokumentet e tyre në fakultetin përkatës me datë **26.07.** dhe **29 e 30.07.2019**

**VI. AFATET E REGJISTRIMIT PËR KANDIDATËT E PRANUAR**

1. **Regjistrimi i kandidatëve të pranuar dhe fotografimi i tyre për ID kartelë, do të bëhet në fakultetet përkatëse, sipas këtij orari:**
  - Fakulteti i Edukimit më **29.07.2019** prej orës 09.00 - 15.00
  - Fakulteti i Filologjisë më **30.07.2019** prej orës; 09.00 - 15.00
  - Fakulteti i Mjekësisë më **31.07.2019** prej orës; 09.00 - 15.00
2. **Kandidatët të cilët nuk kanë arritur që të regjistrohen brenda afateve të përcaktuara si më sipër, mund të regjistrohen më së voni deri më 27.9.2019. Jashtë këtij afati kandidatët e pranuar nuk do të mund të regjistrohen, prandaj luteni që t'i përmbaheni afatit të lartshënuar.**
3. Kandidatët e pranuar për regjistrim duhet të paraqesin:



- a) Fletëregjistrimin e plotësuar, i cili merret me rastin e regjistrimit,
- b) Dy fotografi (formati 4.5 x 6 cm), të cilat duhet të jenë sipas normave dhe rregullave për dokumente personale.
- c) Studentët shtetas të Republikës së Kosovës që fillojnë studimet në Universitetin e Gjakovës, vitin e parë të studimeve e kanë falas.
- d) Pagesa për një semestër për studentë që nuk janë shtetas të Republikës së Kosovës, do të jetë në lartësi prej **25 €** për studime të rregullta.

4. Pagesa bëhet në njërin prej bankave afariste me fletëparaqitje për pagesë, e cila shkarkohet dhe shtypet nga Ueb faqja Universitetit të Gjakovës.

### I. FAKULTETI I EDUKIMIT- GJAKOVË

Në vitin e parë të studimeve do të regjistrojë **200** studentë të rregullt, në programet si në vijim:

Programi	Për studime të rregullta	Për studime me korrespondencë	Kandidatë nga komunitet et jo-shumicë 12%	Kandidatë nga Presheva, Bujanoci dhe Medvegja 2%	Kandidatë nga Shqipëria, Maqedoni 2%	Kandidatë nga Mali i Zi 1%	Gjithsej
<b>Gjithsej</b>	<b>166</b>	<b>0</b>	<b>24</b>	<b>4</b>	<b>4</b>	<b>2</b>	<b>200</b>
Programi Fillor	83	0	12	2	2	1	100
Programi Parashkollor	83	0	12	2	2	1	100

#### PROVIMI PRANUES

Provimi pranues për të gjitha degët e Fakultetit të Edukimit mbahet nga lëndët: Gjuhë Shqipe dhe Letërsi, Matematikë dhe Psikologji (me shkrim).

### II. FAKULTETI I FILOLOGJISË-GJAKOVË

Në vitin e parë të studimeve do të regjistrojë **140** studentë të rregullt, në programet si në vijim:

Programi	Për studime të rregullta	Për studime me korrespondencë	Kandidatë nga komunitet et jo-shumicë 12%	Kandidatë nga Presheva, Bujanoci dhe Medvegja 2%	Kandidatë nga Shqipëria, Maqedoni 2%	Kandidatë nga Mali i Zi 1%	Gjithsej
<b>Gjithsej</b>	<b>116</b>	<b>0</b>	<b>17</b>	<b>3</b>	<b>3</b>	<b>1</b>	<b>140</b>
Programi Gjuhë Shqipe dhe Letërsi	116	0	17	3	3	1	140

#### PROVIMI PRANUES

Provimi pranues për të gjitha degët e Fakultetit të Filologjisë mbahet nga lëndët e Gjuhës Shqipe dhe Letërsisë (me shkrim)

### III. FAKULTETI I MJEKËSISË-GJAKOVË

Në vitin e parë të studimeve do të regjistrojë 60 studentë të rregullt, në programet si në vijim:

Programi	Për studime të rregullta	Për studime me korrespondencë	Kandidatë nga komunitet et jo-shumicë 12%	Kandidatë nga Presheva, Bujanoci dhe Medvegja 2%	Kandidatë nga Shqipëria, Maqedonia 2%	Kandidatë nga Mali i Zi 2%	Gjithsej
<b>Gjithsej</b>	<b>50</b>	<b>0</b>	<b>7</b>	<b>1</b>	<b>1</b>	<b>1</b>	<b>60</b>
Programi Infermieri	50	0	7	1	1	1	60

Kandidatët të cilët aplikojnë për programin e studimit: Infermieri, duhet të kenë të kryer shkollën e mesme të Mjekësisë.

#### PROVIMI PRANUES

Provimi pranues për të gjitha degët e Fakultetit të Mjekësisë mbahet nga lëndët: Kimi dhe Biologji (me shkrim).